



18. februar 2009

Inatsisartut Suleriaasianni § 36, imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

1. Nunatsinni ikiaroonartup atugaanerujussuata akiorneqarneqarnissaanut tunngatillugu, Naalakkersuisut suliniutinik sunik maannamut pilersaaruteqarpat?

2. Nunatsinni ikiaroonartup qanoq atugaatigineranik, Naalakkersuisut ersarissumik ilisimasaqarpat?

3. Nunatsinni ikiaroonartup akiorneqarnissaanut tunngatillugu, qallunaat nunaata suliassaminik, qanoq annertutigisumik aallussinersut Naalakkersuisunik ilisimaneqarpa?

4. UKA 2007/154 Inatsisartuni ilaasortap Juliane Henningsen-p siunnersuutaata, Inatsisartunit taperserneqarluni akuersaarneqartup, sulissutigineqarnera qanoq ingerlava?

(Inatsisartuni ilaasortaq Olga P. Berthelsen, Inuit Ataqatigiit)

Tunngavilersuut:

Nalunggisatsitut 2003-mi misissuinermi paasineqarpoq, nunatsinni inuusuttut akornanni ikiaroonartumik atuneq annertoorujussuusoq. Ukiut maanna 6-7 missaanni qaangiunneranni, inuiaqatigiit akornanni suli tusarsaavoq, inuusuttuaqqat akornanni ikiaroonartuq suli annertuumik atugaasoq. Ikiaroonartup inuusuttunit inuusussigaluttuinnartunit atugaanera, annertuumik inuiaqatigiinnut ernumatitsivoq. Tamanna tunngavigalugu Inuit Ataqatigiinniit isumaqarpugut ikiaroonartup atugaanerata akiorneqarnissaa, pimoorussamik siunissamullu ungasissumut atuuttussamik sulissutigineqartariaqartoq!

Inuit Ataqatigiinniit isumaqarpugut suliniutinik, siunissamut ungasissumut tunaartaqartunik pilersitsinngikkutta, siunissami nunatsinni innuttaasut akornanni inuuniarnikkut ajornartorsiuteqarneq, ullumikkornit suli annertunerulissasoq. Tamanna isiginngitsuusaarsinnaangilarput, taamaattumillu nunatsinni naalakkersuinikkut, aammalu inuiaqatigiit akornatsinni ikiaroonartumik akiuiniarneq sakkortuumik sulissutigisariaqarparput.